



MØTEPROTOKOLL

Utval: Formannskapet
Møtedato 01.09.2022
Møtetid: Kl. 15:00 - 19:05
Møtestad: Kommunestyresalen - kommunehuset

Av 9 medlemmer møtte 9, inkludert varamedlemmer.

Desse medlemmene møtte:	Parti:
Jon Magne Borgevik	Ap
Shirin Kvernes Khadoor	Ap
Knut Harald Frøland	Bl
Lena Tveit	Bl
Martin Haugen	Bl
Odd Arne Haga	Frp
Gunn Totland Moss	KrF
Øyvind Røen	Sp

Desse medlemmene møtte ikkje:	Parti:	I staden møtte:	Parti:
Øyvind Strømmen	MDG	Gunn Østvik Petersen	Ap

Møtenotatar:

Varamedlemmer som deltok i delar av møtet:

- Solveig Vassenden (Bl) møtte som varamedlem for Lena Tveit (Bl) i sak 039 til 043.
- Øyvind Steinland (Bl) møtte som varamedlem for Knut Harald Frøland (Bl) i sak 040 til 043.

Permisjonar i delar av møtet:

- Lena Tveit (Bl) fekk permisjon frå kl. 17:45, etter handsaminga av sak 038. Solveig Vassenden (Bl) gjekk inn som varamedlem for ho i resten av møtet.
- Ordførar/møteleiar Knut Harald Frøland (Bl) fekk permisjon frå kl. 18:00, under handsaminga av sak 040. Øyvind Steinland (Bl) gjekk inn som varamedlem for han i resten av møtet.

Møteleiar i sak 040 til 043:

- Varaordførar Øyvind Røen (Sp) tok over som møteleiar då ordførar Knut Harald Frøland (Bl) fekk permisjon frå kl. 18:00, og var møteleiar i resten av møtet.

Andre som var til stades på møtet:

- Ove Søbø, rådmann
- Karl Viken, kommunalsjef økonomi og organisasjon
- Edith Oma, kommunalsjef helse og omsorg
- Hilde-Lill Våge, kommunalsjef samfunnsutvikling
- Bodil H. Øpstebø, kommunalsjef oppvekst
- Jan Erik Boge, rådgjevar

Møteleiar:	Knut Harald Frøland
Møtesekretær:	Jan Erik Boge

Desse sakene vart handsama:

Sakliste

Sak nr.	Arkivsak	Sakstittel	Merknad
034/2022	22/629	Godkjenning av innkalling og sakliste	
035/2022	22/629	Faste saker	
036/2022	20/810	Handlingsplan for førebygging av sjølvskading og sjølv mord	
037/2022	22/620	Trafikksikringstiltak på FV 49 ved utbygging av ny E16	
038/2022	21/907	Påskjønning til tilsette for stor arbeidsbelastning under koronapandemien	
039/2022	18/1787	Regulering av satsar for godtgjersle for folkevalde i Samnanger kommune	
040/2022	22/515	Vedlikehald kommunale vegar - Prioritering og finansiering	
041/2022	21/641	Tilstandsrapport for grunnskule og barnehage i Samnanger 2022	
042/2022	21/708	Fleirbrukshall - Utviding av styringsgruppa og stadfesting av alternativ plassering	
043/2022	22/423	Lån og tilskot til etablering av bygdebutikk på Tysse	

SAKNR. 034/2022: Godkjenning av innkalling og sakliste

01.09.2022 Formannskapet:

Handsaming i møtet:

Rådmannen sitt framlegg vart samrøystes vedteke.

FORM- 034/2022 Vedtak:

Innkalling og sakliste vert godkjent.

Rådmannen sitt framlegg til vedtak:

- Innkalling og sakliste vert godkjent.

SAKNR. 035/2022: Faste saker

01.09.2022 Formannskapet:

Handsaming i møtet:

Eventuelle merknader til protokoll frå førre møte:

Ingen merknader.

Ordføraren orienterer:

- ***Straumprisar.*** Det har kome innspel frå næringsdrivande i kommunen om utfordringar knytt til dei høge straumprisane.
- ***Seminar om relativ fattigdom.*** Det vert planlagt seminar for kommunestyret, administrativ kommuneleiing og hovutlitsvalde tysdag 01.11.2022.
- ***Køyrereglar for kommunestyret.*** Ordføraren vil utarbeida framlegg til køyrereglar, og leggja dette fram for politisk handsaming.
- ***Uttale til planprogram for regionale senter i Vestland.*** Fylkeskommunen har sendt planprogram ut til uttale. Ordføraren vurderer om sak om uttale skal opp til politisk handsaming i Samnanger.
- ***KVU Hordalandsdiagonalen.*** Ordføraren har delteke på fleire statusmøte. Prosjektgruppa kjem til Samnanger 12.10.2022, då det blir møte på biblioteket på Bjørkheim kl. 19.00.
- ***Læring for næring.*** Samnanger er med i dette KS-nettverket. Ordføraren orienterte kort om status.
- ***Interkommunal legevakt i Arna.*** Orientering om status for prosessen med eventuell interkommunal legevakt. Samnanger og Osterøy ventar på utspel frå den nye helsebyråden i Bergen.

Rådmannen orienterer:

Orientering v/rådmann Ove Sæbø:

- ***Sjukefråværsrapportering til formannskapet.*** Rådmannen viste til sjukefråværsstatistikken som låg ved møteinnkallinga. Det var ingen merknader frå formannskapet til denne måten å rapportera om sjukefråværet på.
- ***Status for rettstvistar.*** Rådmannen orienterte om status for tre rettstvistar som kommunen er part i.
- ***Næringsutviklarstilling.*** Kommunen har no lyst ut ei nyoppretta stilling som næringsutviklar.
- ***Læring for næring.*** Rådmannen viste til ordføraren si orientering, og kom med litt utfyllande informasjon.
- ***Organisering statleg del av NAV.*** NAV Stat vurderer å løysa opp den noverande statlege NAV-regionen som består av Austevoll, Bjørnafjorden og Samnanger. Det er sendt ut drøftingsnotat til tilsette om dette.

- **Kontorlokale for NAV Samnanger.** Kontorlokala til NAV Samnanger er ikkje funksjonelle i forhold til behovet/gjeldande krav. Det er sett i gang arbeid med planlegging av nødvendige ombyggingstiltak.
- **Trusselsituasjon på kommunehuset 15.08.2022.** Rådmannen orienterte om arbeidet med oppfølging/evaluering av hendinga. Evalueringsrapport frå hendinga vil truleg bli lagt fram for formannskapet.
- **Landstraumanlegg til NOA / Krafla.** Kommunen v/rådmann og planleggjar har månadlege statusmøte med utbyggjar. Rådmannen orienterte om at kommunen i samband med den eventuelle utbygginga kanskje bør forespørja utbyggjar om støtte/tilrettelegging også på andre område enn det som ligg i planane pr. no.
- **Kommunebarometeret 2022.** Kommunebarometeret 2022 er no offentleggjort og vil bli presentert i kommunestyret 15.09.2022.
- **Planstrategi.** Rådmannen viste til kommunestyret sitt vedtak 16.06.2022 om kommunal planstrategi, og orienterte om planlagt oppstartvedtak for nokre av planane.

Orientering v/kommunalsjef samfunnsutvikling Hilde-Lill Våge:

- **Nytilsetjingar i sektor for samfunnsutvikling.** To nytilsette starta 01.09.2022 (prosjektleiar og spesialkonsulent).
- **Turveg til Hagabotnane.** Odland Maskin AS har fått kontrakten. Oppstart av arbeidet blir 15.09.2022 og planlagt ferdigstilling er april 2022.
- **Ny kommunal omsorgsbustad i Reistadliane 39.** Orientering om status. Planlagt ferdigstilling er våren 2023.
- **VA-prosjekt Ytre-Tysse.** Prosjektet er no ferdig. Byggerekneskap blir utarbeidd og vil bli lagt fram for politisk handsaming så snart som praktisk mogleg.
- **Påkoplingar til kommunalt VA-anlegg.** Orientering om status / pågåande arbeid.
- **Eviny-bygget på Frøland.** Det blir møte mellom kommunen og Eviny neste veke.
- **Brannstasjon.** Orientering om status for arbeidet med planlegging av eventuell ny brannstasjon.
- **Trafikksikringsplan.** Sak om handlingsprogrammet kjem truleg opp til politisk handsaming i møterunden i oktober.
- **Flytesauna på Bjørkheim.** Informasjon om at det har kome ønske om flytesauna på Bjørkheim, og at dette kanskje kan realiserast.
- **Bubilparkering.** Sak om bubilparkering vil koma til politisk handsaming enten i møterunden i oktober eller i økonomiplan-/budsjettsaka i november/desember.

Orientering v/kommunalsjef helse Edith Oma:

- **Status og utfordringar i eining for pleie og omsorg.** Orientering om mellom anna sommarferieavviklinga, bemanninga i heimhjelpstenesta, innføring av nytt journalsystem, 1995-bygget.
- **Status og utfordringar i eining for helse.** Orientering om mellom anna legesituasjonen, utlysing av helsesjukepleiarstilling, tilsetjing av ergoterapeut.
- **Bemanningssituasjonen i barneverntenesta.** Éi av dei faste stillingane er for tida vakant, og det blir leigd inn vikar frå byrå i denne stillinga.
- **Legevaktsamarbeidet med Bjørnafjorden.** Samnanger ventar på forslag frå Bjørnafjorden til ny legevaktavtale.

Orientering v/kommunalsjef økonomi og organisasjon Karl Viken:

- **Økonomirapportering, budsjett 2022 og konsesjonskraft.** Orientering om økonomistatus, budsjett 2023 og konsesjonskraft. Det er ønskeleg å ha eit budsjettseminar 20.10.2022, før rådmannen legg fram det endelege budsjett-/økonomiplanframlegget sitt.
- **Digihjelpa Samnanger.** Kommunen har fått 500 000 kroner i tilskot til dette prosjektet, som startar opp no.
- **Straumstøtte til frivillige organisasjonar.** Ordninga er vidareført til og med mars 2023, men det er no Lotteritilsynet (ikkje kommunane) som administrerer ordninga.

Orientering v/kommunalsjef oppvekst Bodil H. Øpstebø:

- **Status for busetjing og skulegang for flyktningar frå Ukraina.** Pr. d.d. har kommunen busett 30 flyktningar frå Ukraina, og 5 til kjem snart til Samnanger. I tillegg har 4 personar kome på familiejenforeining og ytterlegare 2 er på mottak på vent. 17 vaksne starta på norskopplæring ved Bergen læringssenter no i august.
- **SFO og 12 timar gratis opphald for 1. klasse.** Utgiftene til denne ordninga i 2022 ser ut til å bli om lag 150 000 kroner høgare enn budsjettet, på grunn av at mange fleire elevar enn tenkt nyttar seg tilbodet.
- **Revisjon av SFO-vedtekter.** Det vil i haust bli lagt fram sak om revisjon av SFO-vedtektene.

Utvalet sitt kvarter:

Treningstilbod på Bjørkheim i regi av Frisklivssentralen

Lena Tveit (Bl) ønska å rosa treningstilbodet som Frisklivssentralen har på tysdagar på Bjørkheim. Ho informerte også om at det er plass til fleire deltakarar på dette tilbodet.

Rådmannen sitt framlegg vart samrøystes vedteke.

FORM- 035/2022 Vedtak:

Orienterings-/referatsaker vert tekne til orientering.

Rådmannen sitt framlegg til vedtak:

- Orienterings-/referatsaker vert tekne til orientering.

SAKNR. 036/2022: Handlingsplan for førebygging av sjølvskading og sjølvsmord

01.09.2022 Formannskapet:

Handsaming i møtet:

Etter den innleiande diskusjonen i formannskapet, sette Knut Harald Frøland (Bl) fram framlegg om å senda saka over til kommunestyret utan tilråding, og at formannskapet ber om at kommunestyret får ei eiga orientering om tiltak 11 i planframlegget. Framlegget vart vedteke med 8 mot 1 røyst. Martin Haugen (Bl) røysta imot.

FORM- 036/2022 Vedtak:

Saka vert oversendt til kommunestyret utan tilråding. Formannskapet ber om at kommunestyret får ei eiga orientering om tiltak 11 i planframlegget.

Rådmannen sitt framlegg til vedtak:

Samnanger kommune vedtek Handlingsplan for førebygging av sjølvskading og sjølvsmord. Tiltak i handlingsplanen vert innarbeidd i økonomiplan.

SAKNR. 037/2022: Trafikksikringstiltak på FV 49 ved utbygging av ny E16

01.09.2022 Formannskapet:

Handsaming i møtet:

Ordføreren sitt framlegg vart samrøystes vedteke.

FORM- 037/2022 Vedtak:

Å redusere risiko for mjuke trafikantar på fv. 49 gjennom Samnanger må sidestillast med å redusere risiko for ras for kjøretøy på E16.

Samnanger kommune ber om at steinmassar frå nye E16 vert nytta til trafikksikringstiltak på fv. 49, i samsvar med alternativa for optimal bruk av overskotsmassar til trafikksikringstiltak i rapport utforma av Statens vegvesen 19.01.2019.

Samnanger kommune ber om at staten sørgjer for at dei nemnde trafikksikringstiltaka blir finansierte som del av E16-prosjektet.

Samnanger kommune ber om at E16-prosjektet ved oppstart av parsellen Arna-Trengereid nyttar steinmassar til parallell drift av trafikksikringstiltak på fv. 49.

Samnanger kommune vil ta initiativ overfor Vestland fylke med tanke på regulering av areal for trafikksikringstiltak i samsvar med rapport frå Statens vegvesen. Eventuell fordeling av finansiering av reguleringsplan-arbeid vil komme tilbake som eiga sak til kommunestyret.

Ordførar sitt framlegg til vedtak:

Å redusere risiko for mjuke trafikkantar på FV49 gjennom Samnanger må sidestillast med å redusere risiko for ras for kjøretøy på E16.

Samnanger kommune ber om at steinmassar frå nye E16 vert nytta til trafikksikringstiltak på FV49, i samsvar med alternativa for optimal bruk av overskotsmassar til trafikksikringstiltak i rapport utforma av Statens vegvesen 19.01.2019.

Samnanger kommune ber om at staten sørgjer for at dei nemnde trafikksikringstiltaka blir finansiert som del av E16-prosjektet.

Samnanger kommune ber om at E16-prosjektet ved oppstart av parsellen Arna-Trengereid nyttar steinmassar til parallell drift av trafikksikringstiltak på FV49.

Samnanger kommune vil ta initiativ overfor Vestland fylke med tanke på regulering av areal for trafikksikringstiltak i samsvar med rapport frå Statens vegvesen. Eventuell fordeling av finansiering av reguleringsplan-arbeider vil komme tilbake som eige sak til kommunestyret.

SAKNR. 038/2022: Påskjønning til tilsette for stor arbeidsbelastning under koronapandemien

01.09.2022 Formannskapet:

Handsaming i møtet:

Rådmannen sitt framlegg vart samrøystes vedteke.

FORM- 038/2022 Vedtak:

Det blir løyvd 300 000 kroner i påskjønning til tilsette i kommunen i samband med koronapandemien. Finansiering er disposisjonsfondet.

Ramme for bruk av midlane skal vera felles velferdsarrangement og/eller motivasjonssamling/fellesopplæring for tilsette.

Midlane skal fordelast mellom sektorane i kommunen etter talet på faste årsverk. Kommunalsjef avgjer i samråd med einings- og avdelingsleiarane, verneombod og plasstillitsvald nærare innhald i arrangement/samlingar. Det er innanfor sektorane rom for å gjera ytterlegare inndelingar på einings- eller avdelingsnivå.

Rådmannen sitt framlegg til vedtak:

Det blir løyvd 300 000 kroner i påskjønning til tilsette i kommunen i samband med koronapandemien. Finansiering er disposisjonsfondet.

Ramme for bruk av midlane skal vera felles velferdsarrangement og/eller motivasjonssamling/fellesopplæring for tilsette.

Midlane skal fordelast mellom sektorane i kommunen etter talet på faste årsverk. Kommunalsjef avgjer i samråd med einings- og avdelingsleiarane, verneombod og plasstillitsvald nærare innhald i arrangement/samlinga. Det er innanfor sektorane rom for å gjera ytterlegare inndelingar på einings- eller avdelingsnivå.

SAKNR. 039/2022: Regulering av satsar for godtgjersle for folkevalde i Samnanger kommune

01.09.2022 Formannskapet:

Handsaming i møtet:

Rådmannen sitt framlegg vart samrøystes vedteke.

FORM- 039/2022 Vedtak:

Ordføraren si godtgjersle blir auka med verknad frå 01.05.2022, med den same prosentsatsen som stortingsrepresentantane si godtgjersle vart auka med 01.05.2022. Dei satsane for godtgjersle for folkevalde i Samnanger som blir rekna ut som ein prosentsats av ordføraren si godtgjersle, blir også auka tilsvarande med verknad frå 01.05.2022.

Som følge av dette vedtaket, blir det ikkje auke i satsane for godtgjersle for folkevalde i Samnanger 01.01.2023.

Ekstrakostnadene til auke i godtgjersle for folkevalde i perioden 01.05. – 31.12.2022, om lag 100 000 kroner inkludert arbeidsgjevaravgift, blir finansierte med midlar frå disposisjonsfondet.

§ 2-2 i Forskrift 12. mars 2020 nr. 3218 om økonomisk godtgjersle, dekking av utgifter m.m. for folkevalde i Samnanger kommune blir med verknad frå 01.10.2022 endra til:

«§ 2-2.Frikjøp og godtgjersle for ordførar

Ordføraren vert frikjøpt i 100 % stilling.

Ordføraren får ei fast årleg godtgjersle på 85 % av stortingsrepresentantane si godtgjersle, runda av oppover til nærmaste heile 100 kroner. Ordførargodtgjersla skal regulerast same dato som stortingsrepresentantane si godtgjersle.

Ordføreren mottek ikkje møtegodtgjersle.»

Vedtaket er gjort med heimel i Lov om kommuner og fylkeskommuner, §§ 8-3 og 8-4.

Rådmannen sitt framlegg til vedtak:

Ordføreren si godtgjersle blir auka med verknad frå 01.05.2022, med den same prosentsatsen som stortingsrepresentantane si godtgjersle vart auka med 01.05.2022. Dei satsane for godtgjersle for folkevalde i Samnanger som blir rekna ut som ein prosentsats av ordføreren si godtgjersle, blir også auka tilsvarande med verknad frå 01.05.2022.

Som følge av dette vedtaket, blir det ikkje auke i satsane for godtgjersle for folkevalde i Samnanger 01.01.2023.

Ekstrakostnadene til auke i godtgjersle for folkevalde i perioden 01.05. – 31.12.2022, om lag 100 000 kroner inkludert arbeidsgjevaravgift, blir finansierte med midlar frå disposisjonsfondet.

§ 2-2 i Forskrift 12. mars 2020 nr. 3218 om økonomisk godtgjersle, dekking av utgifter m.m. for folkevalde i Samnanger kommune blir med verknad frå 01.10.2022 endra til:

«§ 2-2.Frikjøp og godtgjersle for ordfører

Ordføreren vert frikjøpt i 100 % stilling.

Ordføreren får ei fast årleg godtgjersle på 85 % av stortingsrepresentantane si godtgjersle, runda av oppover til nærmaste heile 100 kroner. Ordførargodtgjersla skal regulerast same dato som stortingsrepresentantane si godtgjersle.

Ordføreren mottek ikkje møtegodtgjersle.»

Vedtaket er gjort med heimel i Lov om kommuner og fylkeskommuner, §§ 8-3 og 8-4.

SAKNR. 040/2022: Vedlikehald kommunale vegar - Prioritering og finansiering

01.09.2022 Formannskapet:

Handsaming i møtet:

Innleiingsvis orienterte kommunalsjef Hilde-Lill Våge om at summen rådmannen foreslår til utbetring av veg til Hagabotnane er 4,2 millionar kroner.

Øyvind Røen (Sp) sette fram framlegg om følgjande tilleggspunkt til rådmannen sitt framlegg:

- *Rådmannen vert til handsaminga i kommunestyret 15.09.2022 beden om å finna kostnad for trafikksikringstiltak i Steinslandsvegen.*

Med dette tilleggspunktet vart rådmannen sitt framlegg samrøystes vedteke.

FORM- 040/2022 Vedtak:

Samnanger kommune vedtek å gjennomføra tiltak med budsjettkostnader som vist nedanfor.

Verbalvedtak:

- Carport ved Samnangerheimen kroner 800.000
- Tiltak for Hjartesone og trygg skuleveg rundt Samnanger barneskule og Dråpeslottet barnehage for totalt 3,545 millionar kroner. Tiltaket inkluderer kjeldesortering til 800.000 kroner, der dette vert delfinansiert med tilskot til bl.a. miljøstasjon på kroner 418.000 kroner frå Enova sett av på bunde fond i 2013.

- Utbetring av veg til Hagabotnane, inntil 4,2 millionar kroner

Ekstraløyving:

- Bygdavegen – 2 millionar til asfaltering og utbetring. Mandat til å starte med prosjektering av vegen med fortau og VA-leidningar ifrå fylkesvegen til krysset til Heiane/brua ovanfor.
- Nyutløtrævegen – nødvendig opprusting inntil 800.000 kroner
- Raunekleivvegen – reparasjon av utfallen mur og veg inntil 700.000 kroner.

Med unnatak av tilskot frå Enova vert verbalvedtak og ekstraløyving finansiert med ubrukte midlar i 2022. Investeringar inkludert desse tiltaka vert budsjettjustert i 2. tertialrapport til kommunestyret.

Rådmannen vert til handsaminga i kommunestyret 15.09.2022 beden om å finna kostnad for trafiksikringstiltak i Steinslandsvegen.

Rådmannen sitt framlegg til vedtak:

Samnanger kommune vedtek å gjennomføra tiltak med budsjettkostnader som vist nedanfor.

Verbalvedtak;

- Carport ved Samnangerheimen kroner 800.000
- Tiltak for Hjertesone og trygg skuleveg rundt Samnanger barneskule og Dråpeslottet barnehage for totalt 3,545 millionar kroner. Tiltaket inkluderer kildesortering til 800.000 kroner, der dette vert delfinansiert med tilskot til bl.a. miljøstasjon på kroner 418.000 kroner frå Enova sett av på bunde fond i 2013.
- Utbetring av veg til Hagabotnane til XX (summen vert lagt fram i møtet) kroner

Ekstraløyving;

- Bygdavegen – 2 millionar til asfaltering og utbetring. Mandat til å starte med prosjektering av vegen med fortau og VA-leidningar i frå fylkesvegen til krysset til Heiane/brua ovanfor.
- Nyutløtrævegen – Nødvendig opprusting inntil 800.000 kroner
- Raunekleivvegen – reparasjon av utfallen mur og veg inntil 700.000 kroner.

Med unnatak av tilskot frå Enova vert verbalvedtak og ekstraløyving finansiert med ubrukte midlar i 2022. Investeringar inkludert desse tiltaka vert budsjettjustert i 2. tertialrapport til kommunestyret.

SAKNR. 041/2022: Tilstandsrapport for grunnskule og barnehage i Samnanger 2022

01.09.2022 Formannskapet:

Handsaming i møtet:

Rådmannen sitt framlegg vart samrøystes vedteke.

FORM- 041/2022 Vedtak:

Samnanger kommune vedtek tilstandsrapporten for grunnskule og barnehage i Samnanger 2022 slik han ligg føre.

Rådmannen sitt framlegg til vedtak:

Samnanger kommune vedtek tilstandsrapporten for grunnskule og barnehage i Samnanger 2022 slik den ligg føre.

SAKNR. 042/2022: Fleirbrukshall - Utviding av styringsgruppa og stadfesting av alternativ plassering

01.09.2022 Formannskapet:

Handsaming i møtet:

Etter den innleiande debatten sette Shirin Kvernes Khadoor (Ap) fram framlegg om å lata saka gå vidare til kommunestyret utan tilråding. Framlegget vart vedteke med 8 mot 1 røyst. Øyvind Steinsland (Bl) røysta imot.

FORM- 042/2022 Vedtak:

Saka vert oversendt til kommunestyret utan tilråding.

Rådmannen sitt framlegg til vedtak:

Samnanger kommune vedtek:

1. Styringsgruppa for fleirbrukshall vert utvida med økonomisjef og ordførar.
2. Alternativ plassering for fleirbrukshall dersom Lauskar-alternativet ikkje let seg gjennomføre vert Samnanger barneskule. Dersom styringsgruppa si vurdering vert at prosjektet bør vidareførast på alternativ plassering, skal dette leggjast fram for kommunestyret for endeleg vedtak.

SAKNR. 043/2022: Lån og tilskot til etablering av bygdebutikk på Tysse

01.09.2022 Formannskapet:

Handsaming i møtet:

Odd Arne Haga (Frp) sette fram framlegg om å auka lånesummen til 1,6 millionar kroner, for at løysing med automatisert driftsløysing skal kunne realiserast.

Martin Haugen (Bl) bad om gruppemøte.

Etter gruppemøtet vart det først røysta over endringsframlegget til Odd Arne Haga. Framlegget fall med 8 mot 1 røyst. Odd Arne Haga røysta for framlegget.

Det vart etter dette røysta over rådmannen sitt framlegg. Framlegget vart vedteke med 6 mot 3 røyster.

For	Imot
Øyvind Røen (Sp)	Gunn Østvik Petersen (Ap)
Solveig Vassenden (Bl)	Shirin Kvernes Khadoor (Ap)
Martin Haugen (Bl)	Jon Magne Borgevik (Ap)
Øyvind Steinsland (Bl)	
Gunn Totland Moss (Krf)	
Odd Arne Haga (Frp)	

FORM- 043/2022 Vedtak:

Det blir gjort følgjande justeringar i forhold til kommunestyret sitt vedtak 07.04.2022 om lån på kr. 1 000 000 til støtte for automatisert driftsløysing og innreiing/oppgradering av lokale for ny butikk på Tyssekaiaen:

1. Fristen for oppstart av butikken blir endra til 01.04.2023.
2. Lånet blir gitt til Tysse Landhandel AS.
3. Inntil 100 prosent av lånet kan om nødvendig utbetalast før butikken opnar. Før utbetaling må det vera inngått låneavtale mellom kommunen og Tysse Landhandel AS, ref. punkt 7 i dette vedtaket.
4. Det er frå kommunen si side ønskeleg at butikken har automatisert driftsløysing, men dette er ikkje eit vilkår for lånet dersom ei slik løysing ikkje er økonomisk realiserbar.
5. Dei første to åra (24 månadene) etter opninga av butikken skal lånet vera avdragsfritt.
6. Lånet skal ha same rentesats som den til ei kvar tid gjeldande månadleg flytande renta i Husbanken.
7. Nedbetalingstida på lånet skal vera maksimalt 20 år, og det skal inngåast ein låneavtale med periodisert nedbetalingsplan som er basert på dette.

Det blir gjort følgjande justering i forhold til vedtaket i kommunestyret 07.04.2022 om framlegging av plan for realisering av eventuelt drivstoffanlegg ved Tyssekaiaen:

1. Plan for realisering av eventuelt drivstoffanlegg ved Tyssekaiaen skal leggjast fram i kommunestyret seinast i juni 2023.
2. Det skal i saka vurderast minst to alternativ for etablering og drift av drivstoffanlegg ved Tyssekaiaen.

Det blir gjort følgjande justeringar i forhold til vedtaket i kommunestyret 25.02.2021 om tilskot på kr. 400 000 til oppretting av bygdebutikken:

1. Tilskotsmottakar blir endra frå Samnanger frivilligsentral til Tysse Landhandel AS.
2. Inntil 60 prosent av tilskotet kan ved behov utbetalast før butikken opnar.

Det blir gjort følgjande justeringar i forhold til kommunestyret sitt vedtak 07.04.2022 om lån på kr. 1 000 000 til støtte for automatisert driftsløysing og innreiing/oppgradering av lokale for ny butikk på Tyssekaiaen:

1. Fristen for oppstart av butikken blir endra til 01.04.2023.
2. Lånet blir gitt til Tysse Landhandel AS.
3. Inntil 100 prosent av lånet kan om nødvendig utbetalast før butikken opnar. Før utbetaling må det vera inngått låneavtale mellom kommunen og Tysse Landhandel AS, ref. punkt 7 i dette vedtaket.
4. Det er frå kommunen si side ønskeleg at butikken har automatisert driftsløysing, men dette er ikkje eit vilkår for lånet dersom ei slik løysing ikkje er økonomisk realiserbar.
5. Dei første to åra (24 månadene) etter opninga av butikken skal lånet vera avdragsfritt.
6. Lånet skal ha same rentesats som den til ei kvar tid gjeldande månadleg flytande renta i Husbanken.
7. Nedbetalingstida på lånet skal vera maksimalt 20 år, og det skal inngåast ein låneavtale med periodisert nedbetalingsplan som er basert på dette.

Det blir gjort følgjande justering i forhold til vedtaket i kommunestyret 07.04.2022 om framlegging av plan for realisering av eventuelt drivstoffanlegg ved Tyssekaiaen:

1. Plan for realisering av eventuelt drivstoffanlegg ved Tyssekaiaen skal leggjast fram i kommunestyret seinast i juni 2023.

2. Det skal i saka vurderast minst to alternativ for etablering og drift av drivstoffanlegg ved Tyssekaiaen.

Det blir gjort følgjande justeringar i forhold til vedtaket i kommunestyret 25.02.2021 om tilskot på kr. 400 000 til oppretting av bygdebutikken:

1. Tilskotsmottakar blir endra frå Samnanger frivilligsentral til Tysse Landhandel AS.
2. Inntil 60 prosent av tilskotet kan ved behov utbetalast før butikken opnar.